

From: UUM CORPORATE COMM.
Sent: Wednesday, February 12, 2020 10:04 AM
To: UUM - All Staff; UUM - All Students
Subject: UUM Pilihan Pegawai ANGKASA Sambung Pengajian Dalam Program MBA Di OYAGSB



UUM Corporate Comm.
Universiti Utara Malaysia

12 FEBRUARI 2020 / 18 JAMADILAKHIR 1441H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Berita dan gambar oleh: Rozita Ramli

UUM PILIHAN PEGAWAI ANGKASA SAMBUNG PENGAJIAN DALAM PROGRAM MBA DI OYAGSB



UUM ONLINE: Universiti Utara Malaysia (UUM) terus menjadi pilihan pegawai berkerjaya untuk melanjutkan pengajian ke peringkat tinggi, tidak terkecuali staf dari Angkatan Koperasi Kebangsaan Malaysia Berhad (ANGKASA) yang telah mendaftar sebagai pelajar baharu bagi Program Ijazah Sarjana Pentadbiran Perniagaan (MBA) di bawah kendalian Othman Yeop Abdullah Graduate School of Business (OYAGSB).

Seramai 17 pegawai dari pelbagai unit di bawah ANGKASA telah dibiayai sepenuhnya oleh ANGKASA dan menjadi kumpulan ketiga selepas 40 pegawai ANGKASA berjaya menamatkan pengajian dengan jayanya dalam dua kumpulan sebelum ini pada 2016 dan 2019.

Naib Presiden ANGKASA, Prof. Madya Dr. Abdul Rahman Abdul Razak Shaik berkata, kursus yang ditawarkan oleh OYAGSB telah menarik minat ANGKASA untuk menghantar

pegawai melanjutkan pengajian di UUM kerana ia dapat memberi tambah nilai kepada semua pegawai yang terlibat.

Menurutnya, program ini dilihat mampu memberi impak yang sangat positif dalam meningkatkan kerjaya semua pegawai dan mampu memberi inovasi dan penambahbaikan kepada output organisasi.

“Peluang seperti ini tidak akan datang bergolek dan pegawai terlibat perlu menghargai sebaiknya kerana anda semua dapat menimba ilmu di tempat yang sama anda bekerja dengan pembiayaan penuh oleh syarikat.

“Saya juga berharap kerjasama ini dapat diteruskan untuk kumpulan seterusnya dan membuka peluang kepada lebih ramai pegawai bukan sahaja dalam kalangan staf ANGKASA tetapi juga organisasi setempat agar dapat memperolehi ijazah sarjana sambil bekerja,” katanya pada Majlis Penyerahan Surat Tawaran Pengajian, baru-baru ini.

Sementara itu, Dekan OYAGSB, Prof. Dr. Shahizan Hassan mengucapkan tahniah dan syabas kepada semua pelajar baharu yang sanggup menyahut cabaran demi menggenggam segulung ijazah walaupun sibuk dengan kerja dan keluarga masing-masing.

“Perjalanan ini sudah tentunya bukan mudah, namun ianya sangat berbaloi,” katanya.

Program bagi kumpulan ini akan lebih menarik dengan pelaksanaan pembelajaran secara atas talian (*online learning*) menggunakan sistem WEBEX yang telah dirasmikan oleh Timbalan Naib Canselor (Akademik dan Antarabangsa), Prof. Dr. Yusnidah Ibrahim pada Januari lalu.

Sistem ini memberi peluang kepada semua pelajar untuk mengikuti sesi pengajaran secara maya tanpa perlu berada secara fizikal di dalam kelas.



Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.